

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U  
TUZLI  
Broj: 32 0 St 457761 23 St  
Tuzla, 05.02.2025.godine

Općinski sud u Tuzli, sudija Antonela Đaković, kao stečajni sudija, u stečajnom postupku nad imovinom dužnika "MODERNIZACIJA" d.o.o za proizvodnju, trgovinu, promet i usluge, ul. Sarajevska bb, Gradačac, odlučujući o prijedlogu povjerioca Sparkasse Bank d.d. Sarajevo za otvaranje stečajnog postupka, dana 05.02.2025.godine, donio je sljedeće:

## **RJEŠENJE**

**I-OTVARA SE stečajni postupak** nad imovinom dužnika "MODERNIZACIJA" d.o.o za proizvodnju, trgovinu, promet i usluge, ul. Sarajevska bb, Gradačac, matični broj subjekta: 32-01-0070-11, JIB: 210026230003, broj glavnog računa: 3060002804869624 otvoren kod Addiko Bank d.d. Sarajevo.

**II-Stečajni postupak se otvara sa danom 05.02.2025.godine u 09,00 sati**, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

**III-Za stečajnog upravnika imenuje se Besim Hamidović iz Zvornika, ul. Križevići br. 173, Gušteri.**

**IV-Pozivaju se povjerioci** da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečajnom postupku o prijavi potraživanja (član 110. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

**V-Pozivaju se povjerioci** da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

**VI-Pozivaju se lica** koja imaju obaveze prema stečajnom dužniku da ih bez odlaganja izvrše.

**VII-Otvaranje stečajnog postupka** ima se upisati u sudski registar Općinskog suda u Tuzli, zemljišne knjige Općinskog suda u Gradačcu, te kod Službe za geodetske i imovinsko-pravne poslove Grada Gradačac.

**VIII-Skupština povjerilaca** (ročište za ispitivanje) na kojem će se ispitati prijavljena potraživanja **zakazuje se za dan 28.04.2025.godine u 11,00 sati, u zgradi Općinskog suda u Tuzli, ulica ZAVNOBIH-a bb, sudnica S4-prizemlje.**

**IX-Skupština povjerilaca (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se istog dana 28.04.2025.godine na istom mjestu nakon ročišta za ispitivanje prijave potraživanja.**

**X-Rješenje** o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

### **O b r a z l o ž e n j e**

Predlagač-povjerilac Sparkasse bank d.d. Sarajevo 25.12.2024.godine prijedlog za otvaranje stečajnog postupka nad dužnikom "MODERNIZACIJA" d.o.o za proizvodnju, trgovinu, promet i usluge, ul. Sarajevska bb, Gradačac, radi platežne nesposobnosti navedenog dužnika, jer isti ne ispunjava svoje dospjele ugovorne obaveze prema predlagaču, a računi dužnika su blokirani duže od 60 dana neprekidno.

Nakon razmatranja prijedloga, te ročišta o saslušanju predlagača i dužnika, sud je rješenjem od 14.03.2024.godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika na osnovu odredbe člana 61. i 63. Zakona o stečaju FBiH (Službene novine F BiH, broj 53/21).

Privremeni stečajni upravnik je u spis suda dana 07.10.2024.godine dostavio izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Na osnovu odredbe člana 102. stav 1. i 2 Zakona o stečaju FBiH (Službene novine F BiH, broj 53/21) zakazano je ročište radi ispitivanja uslova za otvaranje stečajnog postupka i razmatranja izvještaja privremenog stečajnog upravnika, na kojem je saslušan privremeni stečajni upravnik, a punomoćnici predlagača nisu imali primjedbi na Izvještaj privremenog stečajnog upravnika o provedenom prethodnom postupku dostavljenog sudu dana 07.10.2024.godine. Iz izvještaja privremenog stečajnog upravnika koji je razmatran na ročištu dana 06.12.2024.godine proizilazi da je dužnik registrovan pod matičnim registarskim brojem subjekta upisa: 32-01-0070-11, da je oblik svojine privatni, društvo osnovalo jedno fizička lice, sa uplaćenim kapitalom od 2.000,00 KM. Osnovna djelatnost društva je cestovni prevoz robe. Društvo je poslovnu djelatnost obavljalo u iznajmljenim prostorijama na adresi Sarajevska b, Gradačac. Transakcijski računi društva su blokirani, a društvo ima neizmirenih obaveza u iznosu od 15.068.732,27 KM, a one se odnose na obaveze prema dobavljačima u iznosu od 138.284,09 KM, prema uposlenicima i ranijim uposlenicima 2.000,00 KM, prema Sparkasse Bank d.d. iznos od 5.418.610,59 KM, prema Addiko bank d.d. iznos od 3.179.006,24 KM, prema Intesa SanPaoplo banka d.d. iznos od 1.858.888,87 KM, prema ASA BANKAi d.d. iznos od 1.521.063,14 KM, prema BBI Banka d.d. iznos od 2.542.438,34 KM, prema Raiffeisen bank d.d. iznos od 408.441,00 KM i prema IGA (Izvozno kreditna agencija) iznos od 1.450.000,00 KM. Na dan pokretanja prethodnog postupka društvo je imalo prijavljena tri zaposlenika. Privremeni stečajni upravnik je izvršio popis potraživanja, obaveza i imovine dužnika, te je utvrđeno da dužnik ima kako pokretnu tako i nepokretnu imovinu upisanu u z.k. uloške broj 28, 29 i 30 k.o. Gradačac i z.k.uložak broj: 409,419,1180 i 4078 ko sp Crnotina.

Prema izjašnjenju privremenog stečajnog upravnika, društvo ima imovine koju bi obezbjeđivao i o kojoj bi se starao privremeni stečajni upravnik, imovina stečajnog dužnika može pokriti troškove stečajnog postupka, te postoje razlozi za otvaranje stečajnog postupka, a poslovanje dužnika se može nastaviti u cjelini ili pojedinim dijelovima u toku eventualno otvorenog stečajnog postupka, a imajući u vidu nagle oscilacije u poslovanju stečajnog

dužnika u toku stečajnog postupka na teret stečajnog dužnika treba obavezno provesti reviziju poslovanja stečajnog dužnika, radi utvrđivanja stanja dužnika.

Na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz sredstava uplaćenih na ime pokretanja prethodnog postupka za utvrđivanje uslova za otvaranje stečajnog postupka (uplaćeno 5.000,00 KM) mogli bi se finansirati troškovi postupka, o čemu se izjasnio i privremeni stečajni upravnik na ročištu za ispitivanje uslova za otvaranje stečajnog postupka od 06.12.2024.godine. Shodno navedenom, sud smatra da su ispunjeni uslovi za otvaranje stečajnog postupka nad imovinom dužnika.

Sud je shodno odredbi člana 102. stav 9. a u vezi sa članom 6. Zakona o stečaju F BiH (Službene novine F BiH broj 53/21), odlučio kao u izreci rješenja.

Odluku o imenovanju stečajnog upravnika, sud je donio shodno odredbi člana 104. stav 1. Zakona o stečaju F BiH (Službene novine F BiH broj 53/21) , a nakon što je utvrdio da isti ispunjava uslove utvrđene odredbom člana 71. istog zakona.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio na osnovu člana 106. Zakona o stečaju F BiH (Službene novine F BiH broj 53/21).

Odluku o objavljivanju otvaranja stečajnog postupka, sud je donio shodno odredbi člana 107. stav 1. Zakona o stečaju F BiH (Službene novine F BiH broj 53/21).

Na osnovu odredbe člana 105. Zakona o stečaju F BiH (Službene novine F BiH broj 53/21), sud je uputio odgovarajuće pozive povjericima i dužnicima stečajnog dužnika.

Upis otvaranja stečajnog postupka u javne registre određen je na osnovu odredbe člana 108. Zakona o stečaju F BiH (Službene novine F BiH broj 53/21).

**Stečajni sudija**

**Antonela Đaković**

**POUKA O PRAVNOM LIJEKU:** Protiv ovog rješenja žalbu može uložiti stečajni dužnik. Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku pet radnih dana od dana objave rješenja u Službenim novinama F BiH. Žalba iz prethodnog stava ne odlaže izvršenje rješenja.